



Branislava Nušića br. 14, 76100 Brčko distrikt Bosne i Hercegovine; Telefon: 049/218-209, 213-674, 218-437
Бранислава Нушића бр.14, 76100 Брчко дистрикт Босне и Херцеговине; Телефон: 049/218-209, 213-674, 218-437

Na osnovu člana 19. Zakona o predškolskom odgoju i obrazovanju Brčko distrikta BiH („Službeni glasnik Brčko distrikta BiH“ brojevi:13/07, 19/07, 30/08, 21/10, 48/16, 22/17, 24/20, 13/21, 13/22, 31/23 i 31/25), i člana 30. i 31. Pravila o radu broj: 07-01-04/26 od 24. 04. 2026.godine Upravni odbor Dječijeg zabavišta i obdaništa „NAŠA DJECA“ Brčko distrikt BiH, na svojoj sjednici održanoj dana 27. 04. 2026. godine, donosi

PLAN UPISA DJECE ZA PEDAGOŠKU 2026/2027. GODINU

Član 1.

- a) Redovan upis djece za pedagošku 2026/2027. godinu će se obaviti tokom maja i juna mjeseca 2026. godine na osnovu raspisanog Oglasa.
- b) Oglas se objavljuje u sredstvima javnog informisanja i na svim ulazima organizacionih jedinica ustanove tokom maja mjeseca 2026. godine.

Član 2.

- a) Prijem prijava za djecu će se vršiti u periodu od 04. 05. do 22. 05. 2026. godine.
- b) Uz popunjen obrazac prijave/obnove, neophodno je dostaviti svu potrebnu dokumentaciju, putem: e-mail adrese ustanove: obdanistebcrcko@gmail.com (obrazac prijave/obnove treba biti potpisan i skeniran), poštom preporučeno na adresu Dječijeg zabavišta i obdaništa „NAŠA DJECA“, organizaciona jedinica „Balongrad“, ulica Bosanskih Kraljeva bb (Š naselje) Brčko distrikt BiH, ili donijeti lično u Dječije zabavište i obdanište „NAŠA DJECA“, organizaciona jedinica „Balongrad“, ulica Bosanskih Kraljeva bb (Š naselje) Brčko distrikt BiH, radnim danom od 08.00 do 12.00 sati.
- c) Na prijavi koja se obnavlja naglasiti da se radi o obnovi ranije predane prijave.

Član 3.

- a) Komisija za prijem djece, imenovana od strane Upravnog odbora ustanove, razmatrat će pristigle prijave u periodu od 01. 06. do 17. 06. 2026. godine.
- b) Komisiju sačinjava 9 članova.
- c) Komisija je obavezna da na osnovu raspoloživih kapaciteta ustanove, na osnovu broja ispisane djece i broja zaposlenih, broja djece kojima je neophodan asistent, utvrdi broj djece koji će biti upisan za pedagošku 2026/2027. godinu.

Član 4.

- a) Na osnovu broja zaposlenih, broja djece kojima je neophodan asistent (6 djece s posebnim potrebama za koje su roditelji naveli u anketi da žele nastaviti boravak u predškolskoj ustanovi), i broja ispisane djece, okvirni kapaciteti objekata za novoprijavljenu djecu za pedagošku 2026/2027. godinu su:
- Objekat „Radost“ 39
 - Objekat „Balongrad“ 26
 - Objekat „Sunčica“ 29
 - Objekat „Lane“ 27
 - Objekat „Beograd“ 30
 - Objekat „Hlapić“ 17
 - Ukupno za ustanovu: cca 168
- b) Za navedeno šestero (6) djece s posebnim potrebama koji su do sada pohađali predškolsku ustanovu, imamo osigurana 3 asistenta iz reda stalno zaposlenih. Za ostalo 3 djece kao i novoprimiteljnu djecu s posebnim potrebama potrebno je angažovati zaposlenike asistente od septembra mjeseca 2026. godine. Broj djece koji možemo da primimo u pedagoškoj 2026/27. godini je 8. To znači da broj djece sa posebnim potrebama u pedagoškoj 2026/27. godini bi bio 14.
- c) Za upis djece u nove objekte u naselju Broduša i Srpska Varoš, zaprimat će se prijave u upisnom roku. Postupak prijema djece u novoizgrađene objekte će biti sproveden kada se za to steknu uslovi odnosno kada objekti budu završeni s izgradnjom. Za prijem djece u novoizgrađene objekte uzimaće se u obzir samo prijave koje su ostale na čekanju, a raspored će se vršiti u skladu sa potpisanom izjavom o zainteresovanosti roditelja za boravak djece u novoizgrađenim objektima.
- d) Navedeni kapacitet ustanove će se mijenjati zavisno od starosne dobi prijavljene djece i broja prijava za djecu s posebnim potrebama.

Član 5.

Na osnovu Pravila o radu ustanove primjenjuju se sljedeći kriterijumi za prijem djece:

- a) Prioritet prilikom prijema uz uvjerenje o ispunjavanju navedenih kriterijuma imaju:
- djeca samohranih roditelja/staratelja,
 - djeca roditelja/staratelja invalida od I do IV kategorije,
 - djeca korisnika stalne socijalne pomoći,
 - djeca razvedenih roditelja.
- b) Sva ostala djeca će se uz uvjerenje o ispunjavanju navedenih kriterijuma bodovati kako slijedi:
- zaposlenost roditelja/staratelja (jedan roditelj zaposlen 7 bodova),
 - broj djece u porodici (jedno dijete 5 bodova x broj djece),
 - djeca s dijagnozom i preporukom ljekara specijaliste za određenu oblast, uz obavezno mišljenje Centra za mentalno zdravlje (5 bodova),
 - vrijeme provedeno na čekanju, na osnovu obnovljene prijave za pedagošku 2026/2027. godinu (od datuma zaprimanja prve prijave svaki mjesec 1 bod),
 - pripadnici nacionalnih manjina (5 bodova).
- c) U slučaju istog broja bodova za dvoje ili više djece koristi se dodatni kriterijum:
- datum podnošenja prijave za dijete.
 - u slučaju istog datuma u obzir se uzima broj protokola sa prijave

d) Za djecu s posebnim potrebama s težim oštećenjima kojima je neophodan asistent, formira se posebna bodovna lista. Broj primljene djece s liste se određuje na osnovu kapaciteta ustanove i broja raspoloživih asistenata.

Član 6.

Kao dokaz o prioritetu ili ispunjavanju kriterijuma koji se boduju, izuzev čekanja na upis koje se dokazuje datumom prijema prijave za upis, dostavlja se sljedeća dokumentacija:

- a) djeca samohranih roditelja/staratelja – zavisno od načina sticanja statusa samohranog roditelja npr: rješenje Centra za socijalni rad, izvod iz MKR za dijete sa upisanim statusom (anonimizacija podataka – smanjenje obima podataka), i sl.
- b) dijete razvedenih roditelja – rješenje o razvodu braka, odnosno izjava da roditelji ne žive u vanbračnoj zajednici,
- c) broj djece u porodici - ovjerena kućna lista od strane nadležne institucije,
- d) zaposlenost roditelja - potvrda poslodavca o radu na određeno ili neodređeno vrijeme dostavljena u upisnom roku,
- e) djeca sa posebnim potrebama – nalaz ljekara specijaliste za određenu oblast,
- f) djeca roditelja invalida – rješenje nadležnog organa o stepenu invalidnosti,
- g) djeca pripadnici nacionalnih manjina – izvod iz MKR za dijete sa upisanom pripadnošću manjini (anonimizacija podataka – smanjenje obima podataka),
- h) rješenje Centra za socijalni rad o korištenju stalne socijalne pomoći roditelja.

Član 7.

U slučaju dostavljanja netačnih podataka za dokazivanje stavki iz člana 6. ovog plana, ili nedostavljanje podataka o zdravstvenom stanju djeteta, ustanova zadržava pravo nepotpisivanja ili raskida ugovora sa roditeljem/starateljem djeteta.

Član 8.

- a) Raspored djece u objekte će se vršiti na osnovu izjave roditelja/staratelja iz prijave za upis djeteta (na osnovu redoslijeda objekata navedenog u prijavi).
- b) Raspored djece u starosne grupe, od mlađe jasličke (uzrast od 6 do 12 mjeseci starosti djeteta) do starije vrtičke grupe (uzrast od 5 godina do polaska u školu), vršit će se na osnovu propisanih godina starosti za određenu grupu, koje dijete napuni do 31. 08. 2026. godine.

Član 9.

Komisija je obavezna da izvrši bodovanje svih prijava zaprimljenih za pedagošku 2026/2027. godinu na osnovu člana 5. ovog plana, sačini spisak primljene djece i djece na čekanju, s rasporedom u grupe i objekte na osnovu člana 6. ovog plana.

Preliminarnu Odluku o prijemu djece, Komisija za prijem djece će dostaviti Upravnom odboru i upravi Dječijeg zabavišta i obdaništa „NAŠA DJECA“ Brčko distrikt BiH 17. 06. 2026. godine.

Član 10.


Uprava Obdaništa je obavezna da 19. 06. 2026. godine istakne preliminarnu Odluku o prijemu i spiskove primljene djece i djece na čekanju, na svim ulazima organizacionih jedinica ustanove.

Član 11.

- a) Upravni odbor ustanove odlučuje o žalbama na Odluku komisije o prijemu djece.
- b) Žalbe na preliminarnu Odluku Komisije o prijemu djece dostavljaju se Upravnom odboru ustanove, pismeno u prostorijama Dječijeg zabavišta i obdaništa „NAŠA DJECA“, organizaciona jedinica „Balongrad“, ulica Bosanskih Kraljeva bb (Š naselje) Brčko distrikt BiH, u roku od 15 dana od dana objave preliminarne Odluke o prijemu djece.
- c) Upravni odbor ustanove donosi konačnu Odluku o prijemu djece.

Broj: 01-07/26

Brčko, 27. 04. 2026. godine



Predsjednik Upravnog odbora

Melana Stajić